


www.pearsoned.com

PEARSON EDUCATION

PEARSON

PEARSON

PEARSON



國立中央研究院歷史語言研究所專刊

唐代政治史論稿

陳寅恪撰

商務印書館印行

A. 510698

中華民國三十一年五月初版
中華民國三十二年十二月渝第二版

(30219渝熟)

國立中央研究院歷史語言研究所專刊

唐代政治史述論稿

渝熟料紙

定價國幣壹元捌角

印刷地點外另加運費

* 有 所 權 版 *
* 究 必 印 翻 *

著 者

陳寅恪

發 行 人

王雲五

印 刷 所

商務印書館

發 行 所

各地商務印書館

自序

竊格謹草「隋唐制度淵源略疏」，於隋唐一代法儀諸端，妄有所論述。雖於政治史事，以限於體例，未能涉及，茲就所嘗則以唐代之政治史爲範圍，蓋所以補前稿之未備也。夫善圖善史多關於政治史類，而實治通鑑一書，尤爲空前傑作，今草茲稿，可謂不自取之至！然區區之意，僅欲令初學之讀通鑑者得此參身，或可有所啓發，原不敢謂有唐一代政治史之綱要，悉在此三稿中也。庶承通鑑君子不誤會制草茲稿之本旨，則糾正其謬，何幸如之！

壬午七夕陳寅恪書於桂林真武巖山房。

目錄

上篇	統治階級之民族及其升降	一
中篇	政治革命及黨派分野	三八
下篇	外族盛衰之連環性及外患與內政之關係	九四

唐代政治史述論稿

上篇 統治階級之民族及其升降

朱子語類壹陸歷代類參云：

唐源流出於夷狄，故閹門失禮之事不以爲異。

朱子之語頗爲簡略，其意未能詳知。然卽此簡略之語句亦含有種族及文化二問題，而此二問題實李唐一代史學關鍵之所在，治唐史者不可忽視者也。茲請先論唐代五百年統治階級中心皇室之民族問題，然後再推及其他統治階級之種族及文化問題。

若以女系母統言之，唐代創業及初期君主，如高祖之母爲獨孤氏，太宗之母爲竇氏，卽紇豆陵氏，高宗之母爲長孫氏，皆是胡種，而非漢族。故李唐皇室之女系母統雖有胡族血胤，世所共知，不待闡述，茲所論者專以男系父統之氏族爲範圍也。

唐之皇室本有自撰之譜牒，原書今不可見。然如冊府元龜及兩唐書等唐皇室先世淵源之記載固出自李唐皇室自撰之譜牒，卽唐太宗御撰之晉書亦唐皇室自述其氏族淵源之要籍，故茲依據此類唐室自敘其家世之著述，復取其他史料互相參證，以討論此問題焉。

李唐世系之紀述其見於冊府元龜晉書宋帝系門舊唐書壹高祖紀新唐書壹高祖紀北史壹百序傳及晉書劉琨涼武昭王傳等書者，皆不及新唐書柒拾上卷皇室系表所載之詳備，今卽依此表與其他史料討論之。表云：

（李）欽字士業，西涼後主。八子：勣，紹，重耳，弘之，崇明，崇產，崇庸，崇赫。重耳字景順，以國亡奔宋，爲汝南太守，後魏克豫州，以地歸之，拜恆農太守，復爲宋將薛安都所陷，後魏安南將軍豫州刺史

史。生獻祖宜皇帝諱熙，字孟良，後魏金門鎮將。〔舊唐書高祖紀云：李蒙傑鎮武川，因家焉。新唐書高祖紀同。〕生懿祖光皇帝，諱天賜，字德真。三子：長曰起頭，長安侯。生遼摩，後周羽林監大字號馬長安縣伯。次曰乞頭。次曰太祖（虎）。

此表所載必出唐室自述其宗系之舊文，茲就其所紀李重耳李熙父子事實，分析其內容，除去其為西涼李暹之正支後裔一事以外，尚有七事，條列於下：

- (一) 其氏為李。
- (二) 父為宋汝南太守。
- (三) 後魏克豫州，父以地歸之。
- (四) 父為後魏恆農太守。
- (五) 父為宋將薛安都所陷，即所擒。
- (六) 父為後魏安南將軍豫州刺史。
- (七) 子為後魏金門鎮將。

考宋書伍文帝紀云：

(元嘉)二十七年二月辛巳索虜寇汝南諸郡，陳南頓二郡太守鄭瑛、汝陽郡一郡太守郭道隱委守走。索虜攻懸瓠城，行汝南郡事陳憲拒之。

又同書梁武南平穆王鑠傳云：

索虜大帥拓拔虜南侵陳頰，遂圍懸瓠城，太守陳憲保城自固。

又同書梁末元景傳略云：

(元嘉)二十七年八月(隨王)嗣道襲威將軍尹顯祖出賞谷，奮威將軍魯方平建武將軍薛安都略陽太守龐法起入盧氏。(中略)。(閏)十月法起安都方平諸軍入盧氏。(中略)。法起諸軍進至方伯自，去以農五

型。(中路)。諸軍造攻具，進兵城下。僞弘農太守李初古拔嬰城自固，法起安都方平諸軍以陵城。
(中路)。安都軍副譚金薛係奉率衆先登，生禽李初古拔父子二人。(中路)。殿中將軍鄧盛幢主劉聯亂使入荒田，招宜陽人劉寬糾，率合義徒二千人，共攻金門塢，屠之，殺戍主李賈得，古拔子也，爲虜永昌王長史，勇冠戎類，永昌聞其死，若失左右手。

又同書伍靈虜傳略云：

(元嘉)二十七年，賈自率步騎十萬寇汝南。(中路)。宜威將軍陳南頓太守鄭經(文帝紀作璠)。綏遠將軍汝南潁川二郡太守郭道隱并棄城奔走。虜掠抄淮西六郡，殺戮甚多。攻懸瓠城，城內戰士不滿千人。先是，汝南新蔡二郡太守徐遵之去郡，南平王遣左軍行參軍陳憲行郡事，憲嬰城固守。(中路)。賈遣從弟永昌王庫仁眞步騎萬餘將所略六郡口北屯汝陽。(中路)。太祖嘉憲固守，詔曰：右軍行汝南新蔡二郡軍事陳憲盡力捍衛，全城摧寇，忠敢之效宜加顯擢，可龍驤將軍汝南新蔡二郡太守！

又魏書陸壹薛安都傳云：

後自盧氏入寇弘農，執太守李拔等，遂逼陝城。時秦州刺史杜道生討安都，仍執拔等南遁，及世祖(拓拔燾)臨江，拔乃得還。

據上引史實，則父稱李初古拔，子稱李賈得，名雖類胡名，姓則爲漢姓，其氏既爲李，是與上列第一條適合。李初古拔爲弘農太守，弘農卽恆農，後魏以避諱故改稱恆農，是與第四條適合。李初古拔爲宋將薛安都所擒，是與第五條適合。宋書柳元昇傳言：「生擒李初古拔父子」。魏書薛安都傳言：「安都擒李拔等，仍執拔等南遁，世祖臨江，拔乃得還。」則李初古拔當不止一子，殆賈得死難，以弟或兄代領其職，今不能確知，但册府元龜魏帝王郁帝系門及兩唐書高祖紀等書李熙率豪傑鎮武川，因而留居之記載，乃後來宇文泰所改造，並非事實，俟後詳論之。總之，李熙爲金門鎮將，李賈得亦爲金門塢戍主，地理專如是巧同，亦可認爲與第七條適合，至於北魏諸鎮設置之時代及其地望等問題則別爲一事，非茲所討論者也。又第二條李重耳爲宋汝

在太守一事，徵諸上引史實，絕不可能。蓋既言：「爲宋將薛安都所陷」，其時必在元嘉二十七年，當時前後宋之汝南太守其姓名皆可考知，郭道隱則棄城走，徐邈之則去郡，陳憲則先行郡事，後以守城功擢補實官，故依據時日先後，排比推計，實無李重耳可爲宋汝南太守之餘地。據宋書柳元景傳言：「李賈得爲永昌王長史，永昌固其死，若失左右手。」則李氏父子與永昌王關係密切可以推知。宋書索虜傳又言：「永昌王北屯汝陽」。考資治通鑑繫永昌王屯汝陽事於元嘉二十七年三月，繫李初古拔被擒事於元嘉二十七年閏十月，而汝陽縣本屬汝南郡，後別分爲汝陽郡者，故以時日先後地理接近及人事關係論，李初古拔殆於未被擒以前曾隨永昌王屯兵豫州之境，因有汝南太守之授。然則此唐室譜牒所言之汝南太守實非宋之汝南太守，乃由魏之汝南太守所修改而成者也。第六條之安南將軍豫州刺史當即與第二條有關，檢冊府元龜文帝王邵帝系門之文，豫州刺史之上有「贈」字，是豫州刺史乃後來追贈之官，故於此不成問題，可不討論矣。魏書薛安都傳言：「（安都）仍就（李）拔等南遁，及世祖臨江，拔乃得還。」是李初古拔原有自北至南，復自南還北一段因緣，李唐自述先世故實，竟或因此加以修改，以傳會李重耳之由北奔南，又由南歸北耶？幸賴其與他種記載符合及矛盾，留一罅隙，千載而後遂得以發其覆也。

復次，魏書薛安都傳之李拔即宋書柳元景傳李初古拔之潛稱及雅名。梁書伍陸侯景傳載景之祖名周，而南史則拾侯景傳作羽乙周，正與此同例。蓋胡人名字原是對音，故成繁鄙，異於華夏之雅稱，後代史官屬文，因施刪略。夫侯景稱帝，七世廟諱父祖之外皆王偉追造，（見梁書南史侯景傳）。天下後世傳爲笑談，豈知李唐皇室先世之名字亦有與此略相類似者乎？又據魏書肆武薛辯傳附長子初古拔傳（北史參陸薛辯傳同）云：

長子初古拔，一曰車輅拔（北史輅作輅），本名洪祚，世祖賜名。

同書參武高湖傳亦附載高各拔之名。然則初古拔或車輅拔乃當日通常胡名，頗疑李初古拔如其同時薛洪祚之例，亦本有漢名，特以胡名著稱於史耳。

總而言之，前所列之七條，第一第四第五第七四條之中，李重耳父子事實皆與李初古拔父子事實適合。第

六條乃第二條之附屬，無獨立性質，可不別論。第二條第三條實互相關連，第五條既言：「爲宋將薛安都所陷」，則元嘉二十七年南北交兵之際李氏父子必屬於北，而不屬於南，否則何得謂爲宋將所擒？故今易原文之劉宋爲後魏，則第二第三條之事實不獨不與其他諸條相反，而且與之相成，況其他諸條中涵有「元嘉二十七年」一定之時間、「李氏」「薛安都」之姓名專名、「弘農」「金門」之地理專名，而竟能兩相符合，天地之間似無如此偶然巧值之事，故今假定李唐爲李初古拔之後裔，或不至甚穿鑿武斷也。

抑更有可論者，據唐會要壹帝號條上云：

獻祖宣皇帝諱熙，〔涼武昭王暠曾孫嗣涼王歆孫弘農太守重耳之子也〕。武德元年六月二十二日追尊爲宣簡公，咸亨五年八月十五日追尊宣皇帝，廟號獻祖，葬建初陵。〔在趙州昭慶縣界，儀鳳二年五月一日追封爲建昌陵，開元二十八年七月十八日詔改爲建初陵。〕

懿祖光皇帝諱天賜，〔宣皇帝長子〕。武德元年六月十二日追尊懿王，咸亨五年八月十五日追尊光皇帝，廟號懿祖，葬啓運陵。〔在趙州昭慶縣界，儀鳳二年五月一日追封爲延光陵，開元二十八年七月十八日詔改爲啓運陵。〕

元和郡縣圖志壹柒〔參閱舊唐書叁玖地理志，及新唐書叁玖地理志趙州昭慶縣條〕。

趙州。

昭慶縣，本漢廣阿縣，屬鉅鹿郡。

皇十三代祖宣皇帝建初陵。高四丈，週迴八十丈。

皇十二代祖光皇帝啓運陵。高四丈，週迴六十步。二陵共塋，週迴一百五十六步。在縣西南二十里。

冊府元龜壹帝王部帝系門略云：

唐高祖神堯皇帝姓李氏，隴西狄道人，其先出自李暠，是爲涼武昭王，薨，子歆嗣位，爲沮渠蒙遜所

滅，歆子重耳奔於江南，仕宋爲汝南郡守，復歸於魏，拜弘農太守，贈豫州刺史，生熙，起家金門鎮將，後以良家子鎮於武川，都督軍戎百姓之務，終於位，因家焉，生天賜，仕魏爲幢主，大統時贈司空，生太祖景皇帝虎，封趙郡公，徙封隴西公，周受魏禪，錄佐命功，居第一，追封唐國公，生世祖元皇帝昉，在位十七年，封汝陽縣伯，襲封隴西公，周受禪，襲封唐國公，高祖卽元皇帝之世子，母曰：元貞皇后，七歲襲封唐國公，義寧二年受隋禪。

今河北省隆平縣尙存唐光業寺碑，碑文爲開元十三年宣義郎前行象城縣尉楊晉所撰，中央研究院歷史語言研究所藏有拓本，頗殘闕不可讀。茲取與黃彭年等修《畿輔通志》查《法肆古蹟略》所載碑文相參校，而節錄其長有關之數語於下：

（上略）。皇祖瀛州刺史宣簡公謹追上尊號，諡宣皇帝，皇祖妣夫人張氏追上尊號，諡宣莊皇后。皇祖懿王謹追上尊號，諡光皇帝，皇祖妣妃賈氏謹追上尊號，諡光懿皇后。（中略）。詞曰：維王桑梓，本際城池。（下略）。

案，李熙天賜父子共塋而葬，卽族葬之一證，光業寺碑頌詞復有「維王桑梓」之語，則李氏累代所葬之地卽其家世居住之地，絕無疑義，而唐皇室自稱其祖留居武川之說可不攻自破矣。又據《魏書》卷一百陸上，地形志南趙郡廣阿縣條隋書卷拾地理志趙郡大陸縣條及元和郡縣圖志卷七趙州昭慶縣條等，知李氏父子葬地舊屬鉅鹿郡，與山東著姓趙郡李氏居住之舊常山郡壤地鄰接，李虎之封趙郡公當卽由於此也。又漢書武郡地理志載中山國唐縣有堯山，魏書壹佰陸上地形志載南趙郡唐阿縣卽李氏父子葬地復有堯臺，李虎死後，追封唐國公，蓋止取義於中山鉅鹿等地所流傳之放勳遺蹟，並非知通常廣義兼該太原而言也。至大唐創業起居注所云：

初，帝奉詔爲太原道安撫大使，帝以太原黎庶陶唐舊民，奉使安撫不踰本封，因私喜此行以爲天意。則爲後來依附通常廣義之解釋，殊與周初追封李虎爲唐國公時暗示其與趙郡相關之本旨不同也。然則李唐豈真

出於趙郡耶？若果爲趙郡李氏，是亦華夏名家，又何必假稱出於隴西耶？考元和郡縣圖志壹伍云：

邢州。

堯山縣，本曰柏人，春秋時晉邑，戰國時屬趙，秦滅趙，屬鉅鹿郡，後魏改「人」爲「仁」，天寶元年改爲堯山縣。

又同書壹柒云：

趙州。

平棘縣，本春秋時晉棘蒲邑，漢初爲棘蒲，後改爲平棘也，屬常山郡。

李左車墓在縣西南七里。

趙郡李氏舊宅在縣南二十里，卽後魏以來山東舊族也，亦謂之三巷李家云，東祖居巷之東，南祖居巷之

南，西祖居巷之西，亦曰三祖宅巷也，三祖李氏亦有地屬高邑縣。

元氏縣，本趙公子元之封邑，漢於此置元氏縣，屬常山郡，西漢常山太守皆理於元氏。

開業寺，在縣西北十五里，卽後魏車騎大將軍陝定二州刺史尙書令司徒趙郡李徽伯之舊宅也。

柏鄉縣，本春秋時晉鄗邑之地，漢以爲縣，屬常山郡，後漢改曰高邑，屬常山國，齊天保七年移高邑縣於

漢房子縣東，今高邑縣是也。

高邑縣故城在縣北二十一里，本漢鄗縣地也。

高邑縣，本六國時趙房子之地，漢以爲縣，屬常山郡。

襄皇縣，本漢鄗邑縣之地，屬常山郡。

百陵崗，在縣東十里，卽趙郡李氏之別業於此崗下也，崗上亦有李氏墓家甚多。

昭慶縣，本漢廣阿縣，屬鉅鹿郡。

皇十三代祖宣皇帝建初陵。

皇十二代祖光皇帝啓運陵，二陵共塋，在縣西南二十里。（昭慶縣條前已引及，爲便於解說起見，特重出其概略於此。）

元和郡縣圖志著者李吉甫出於趙郡李氏，故關於其宗族之先塋舊宅皆詳載之，若一取其分布之地域核之，則趙郡李氏其顯著支派所遺留之故蹟，俱不出舊常山郡之範圍，據此，則趙郡李氏顯著支派當時之居地可以推知也。但其衰微支派則亦有居舊鉅鹿郡故疆者，考北史卷叁李孝伯傳末附載趙郡李氏世系一節（新唐書柒貳宰相世系表起郡李氏條及鄧名世古今姓氏書辨證貳壹同）云：

楷避趙王倫之難，徙居常山，楷子輯，輯子慎，敦，居柏仁，子孫甚微。

案柏仁廣阿二縣，後魏時俱屬南趙郡，土壤鄰接，實可視爲一地域，趙郡李氏子孫甚微之一支，其徙居柏仁之時代雖未能確定，然李楷避西晉趙王倫之難，下數至其孫慎及敦，僅有二代，則李慎李敦徙居柏仁，約在江左東晉之時，李熙父子俱葬於廣阿，計其生時亦約當南朝宋齊之世，故以地域鄰接及時代先後二者之關係綜合推論，頗疑李唐先世本爲趙郡李氏柏仁一支之子孫，或者雖不與趙郡李氏之居柏仁者同族，但以同姓一姓同居一地之故，遂因緣攀附，自託於趙郡之高門，衡以南北朝庶姓冒稱士族之慣例，殊爲可能之事。總而言之，據可信之材料，依常識之判斷，李唐先世若非趙郡李氏之「破落戶」，即是趙郡李氏之「假冒牌」，至於有唐一代之官書其紀述皇室淵源，間亦保存原來真實之事實，但其大部盡屬後人諱飾誇誕之語，治史者自不應漫無辨別，遽爾全部信從也。

又魏書玖玖私署涼王李暠傳本不載重耳南奔始末，傳世之十六國春秋纂錄陸西涼錄亦無其事。而湯球之十六國春秋輯補轉取唐修晉書之涼武昭王傳添此一段蛇足，（見湯書敘例）。殊爲無識，今敦煌本之十六國春秋殘卷惜未得見，不知與此有關否，至於僞本十六國春秋載重耳事來自唐修晉書更不足辨論矣。

復次，周書肆明帝紀（北史以明帝紀同）云：

二年三月庚申詔曰：三十六國九十九姓，自魏氏南徙，咸稱河南之民。今周室既都關中，宜改稱京兆

人。

隋書卷之經籍志史部譜序篇云：

後魏遷洛，有八氏十姓，咸出帝族，又有三十六族，則諸國之從魏者，九十二（九？）姓世爲部落大人者，並爲河南洛陽人。其中國人士則第其門閥，有四海大姓，郡姓，州姓，縣姓；及周太祖入關，諸姓子孫有功者，並令爲其宗長，仍撰譜錄，紀其所承，又以關內諸州爲其本望。

據上引史文，嚴格解釋，則隋志之文自「後魏遷洛」至「並爲河南洛陽人」止一節，專指胡人而言，其本末見於魏書齊書卷之官氏志等即魏孝文帝改胡姓爲漢姓之事也。周書北史周明帝二年（西曆五五八年）三月庚申詔書亦指胡人而言，明帝二年在魏孝武帝入關之年（西曆五三四四年）後二十四年，在西魏恭帝元年（西曆五五四年）改有功諸將姓爲胡姓（事見周書或文帝紀下北史周本紀上）後亦四年，故從入關之遷洛諸胡族其改京兆郡望當在有功諸漢將改關內郡望之後也。

又隋志之文自「其中國人士」至「又以關內諸州爲其本望」止一節，實專指漢人而言。然則李唐之稱西涼嫡裔，即所謂「並令爲其宗長，仍撰譜牒，紀其所承，」其改趙郡郡望爲隴西郡望，即所謂「又以關內諸州爲其本望」，豈非實格之假說得此史文而益證實耶？所不解者，昔人於此何以未嘗留意？抑別有其他較勝之說耶？此則深願求教於博識通人也。

復次，唐會要卷之皇后條（開元十三年光業寺碑文及巴黎圖書館藏敦煌寫本伯希和號第貳伍拾日唐代祖宗紀日表等均同）云：

宣皇帝（熙）皇后張氏。

光皇帝（天賜）皇后賈氏。

景皇帝（昞）皇后梁氏。

元皇帝（虎）皇后獨孤氏。

據此，魏書皆是漢姓，其為漢族，當無可疑，梁氏如梁禦之例，雖有出自胡族之嫌疑，（見周書查玖北史伍玖梁禦傳，又魏書查壹官氏志云：「拔列氏後改為梁氏」）但梁氏本為漢姓，大部分皆是漢族，未可以其中極少數出自胡族之故，遽概括推定，凡以梁為氏者，皆屬胡族也。故李虎妻梁氏在未能確切證明其氏族所出以前，仍目之為漢族，似較妥慎，然則李唐血統其初本是華夏，其與胡夷混雜，乃一較晚之事實也。茲依據上述資料，作一李唐皇室血統世系表，起自李熙，迄於世民，以備參考。至李重耳則疑本無其人，或是李初古殺之化身，故不列入，以示闕疑之意。凡女統確知為漢族者，標以□符號，確知為胡族者，標以⋯符號，雖有胡族嫌疑，但在未發見確證，仍可認為漢族者，則標以⋯符號。

李 熙 天 賜 虎 暉 淵 世 民

張氏	賈氏	梁氏	獨孤氏	竇氏	長孫氏
----	----	----	-----	----	-----

茲依據上引資料及其解釋，再將李唐世系先後改易之歷程及胡漢文化問題加以說明。此世系改易之歷程，實不
限於李唐皇室一族，凡多數北朝隋唐統治階級之家，亦莫不如是，斯實中國中古史上一大問題，亦史學中千載
待發而未發之覆也。

自鮮卑拓拔部落侵入中國統治北部之後，即開始施行漢化政策，如解散部落同於編戶之類，（見北史拓拔魏書
淵卷上外戚傳賀訥傳北史玖 魏書查壹佰查高車傳及魏書查壹查官氏志等），其尤顯著之例也。此漢化政策其子
孫遵行不替，及魏孝文帝遷都洛陽，其漢化程度更為增高，至宣武孝明之世，則已達頂點，而逐漸腐化矣。
然同時邊塞六鎮之鮮卑及胡化之漢族，則仍保留其本來之胡化，而不為洛都漢化之所浸染，故中央政權所在之
洛陽其漢化愈深，則邊塞六鎮胡化民族對於漢化之反動亦愈甚，卒釀成六鎮之叛亂，爾朱部落乘機而起，至武
泰元年（西曆五二八年）四月十三日河陰之大屠殺，遂為胡人及胡化民族反對漢化之公開表示，亦中古史劃分

時期之重要事變也。

六鎮鮮卑及胡化漢族既保持胡部特性，而不漸染漢化，則爲一善戰之民族，自不待言。此民族以饑饉及虐政之故激成叛亂，南向遷徙，其大部分輾轉移入高歡統治之下，（見北齊書登神武紀上北史陸齊本紀上隋書貳肆食貨志），故歡之武力遂無敵於中原，終藉此以成其霸業。其他之小部分，由賀拔岳宇文泰率領西徙，割據關隴，亦能抗衡高氏，分得中國西北部之地，成一北朝東西並峙之局，此治史者所習知也。然宇文氏只分有少數之六鎮民族，復局促於關隴一隅之地，終能併吞分有多數六鎮民族及雄據山東富饒區域之高齊，其故自非僅由一二君主之賢愚及諸臣材不材之所致，蓋必別有一全部系統之政策，爲此東西並立之二帝國即周齊兩朝勝敗興亡決定之主因，可以斷言也。

宇文泰率領少數西遷之胡人及胡化漢族割據關隴一隅之地，欲與財富兵強之山東高氏及神州正朔所在之江左蕭氏共成一鼎峙之局，而其物質及精神二者力量之憑藉，俱遠不如其東南二敵，故必別覓一途徑，融合其所割據關隴區域內之鮮卑六鎮民族，及其他胡漢土著之人爲一不可分離之集團，匪獨物質上應處同一利害之環境，即精神上亦必具同一淵源之信仰，同受一文化之薰習，始能內安反側，外禦強鄰。而精神文化方面尤爲融合複雜民族之要道，在此以前，秦苻堅魏孝文皆知此意者，但秦魏俱欲以魏晉以來之漢化籠罩全部複雜民族，故不得不而於南侵，非取得神州文化正統所在之江東而代之不可，其事既不能成，僅餘一宇文泰之新途徑而已。此新途徑即就其割據之士依附古昔，稱爲漢化發源之地（魏孝文之遷都洛陽，意亦如此，惟不及宇文泰之徹底，故仍不忘南侵也。），不復以山東江左爲漢化之中心也，其詳具於拙著隋唐制度淵源略論稿，茲不贅論。此宇文泰之新途徑今姑假名之爲「關中本位政策」，即凡屬於兵制之府兵制及屬於官制之周官皆是其事，其改易隨賀拔岳等西遷有功漢將之山東郡望爲關內郡望，別撰譜牒，紀其所承（見前引隋書叁叁經籍志譜序篇序），又以諸將功高者繼塞外鮮卑部落之後（見周書貳文帝紀下及北史玖周本紀上西魏恭帝元年條等），亦是施行「關中本位政策」之例證，如欲解決李唐民族問題當於此中求之也。

概括言之，宇文泰改易氏族之舉，可分先後二階段：第一階段則改易西邊關隴漢人中之山東郡望為關內郡望，以斷絕其鄉土之思，〔初止改易漢人之山東郡望，其改易胡人之河南郡望為京兆郡望，則恐尙在其後，見前引周書肆帝紀及北史玖周本紀上明帝二年三月庚申詔書。〕並附會其家世與六鎮有關，即李熙留家武川之例，以鞏固其六鎮團體之情，此階段當在西魏恭帝元年〔西曆五五四年〕復魏孝文帝所改鮮卑人之胡姓及賜諸漢將有功者以胡姓之前，凡李唐改其趙郡郡望為隴西，偽託西涼李暹之嫡裔及稱家於武川等，均是此階段中所為也。第二階段即西魏恭帝元年詔以諸將之有功者繼承鮮卑三十六大部及九十九小部落之後，凡改胡姓諸將所統之兵卒亦從其主將之胡姓，逕取鮮卑部落之制以治軍，此即府兵制初期之主旨，〔詳見拙著隋唐制度淵源略論稿兵制章，茲不贅論。〕李唐之得賜姓大野，即在此階段中所為也。至周末隋文帝專周政，於大象二年〔西曆五八二年〕十二月癸亥週改胡姓復為漢姓，其結果只作到週復宇文氏第二階段之所改，而多數氏族仍停留於第一階段之中，此李唐所以雖去大野之胡姓，但仍稱隴西郡望及冒託西涼嫡裔也。職是之故，北朝隋唐史料中諸人之籍貫往往紛歧，如與李唐先世同列八大柱國之李弼一族，周書壹伍李弼傳舊唐書伍叁李密傳〔密為弼之曾孫〕壹叁拾李泌傳〔泌為弼之六代孫〕，及新唐書柒貳上宰相世系表俱以為遼東襄平人，而北史陸拾李弼及曾孫密傳文苑英華玖肆捌魏徵撰李密墓志銘則以為隴西成紀人，蓋公私著述敘及籍貫或僅據週復至第一階段立言，或逕依本來未改者為說，斯其所以彼此差異也。但隋唐兩朝繼承宇文氏之遺業，仍舊施行「關中本位政策」，其統治階級自不改其歧視山東人之觀念〔見舊唐書柒捌新唐書壹佰肆張行成傳〕，故隋唐皇室亦依舊自稱弘農楊震隴西李暹之嫡裔，偽冒相傳，迄於今日，治史者竟無一不為其所欺，誠可歎也。〔據新唐書柒壹下宰相世系表楊氏條，隋皇室自稱為弘農楊震長子牧之後。此即隋書經籍志所謂「令為其宗長，仍撰譜牒，紀其所承，又以關內諸州為其本望」者。以非本篇範圍，故不詳論，讀者可以依據有關史料類推也。〕

復次，漢人與胡人之分別，在北朝時代文化較血統尤為重要。凡漢化之人即目為漢人，胡化之人即目為胡人，